

LECTORI BENEVOLO



*Viginti, et plures sunt An-
ni, cum primò se meis ocu-
lis offerrent corpora, quæ
è Regno vel animali, vel
vegetabili olim egressa, in duros Lapi-
des obriguere, ac hodièdum sub nomine
Petrificatorum, aut petrefactorum pas-
sim veniunt. Mirabar tum quidem; et
non dicam, quantopere afficerer erga
ejusmodi. Varius deinde cum præfente
me, et adstante Sermo fieret ab aliis de
Museis naturalium, nihil itò desidera-*

bam, atque familia meismet oculis coram
intueri.

Animo per sepe huc illuc vagabar, ac
percorrebam Lithophylacia Erudito-
rum, quæ quidem oculis tum perlustra-
re nequibam; Domi quippe manen-
dum erat, quæ tempore præparabar ad
ea, quibus deinde meo muneri, et Vo-
cacioni facere possem satis.

Tribus omnino Annis exin vixi apud
Westphalos, ubi occasionem nactus, ho-
ris liberis, cum aura patientioris cap-
tandæ causæ prodirem obambulatum,
in Lapides, quos Cateri calcabant, cu-
riosos magis oculos conjiciendi, eosque
conquirendi, quin et accuratius obser-
vandi, num fortè Conchiliorum, aut

Planta-

Plantarum typos in iisdem Deprehen-
derem.

Certè in agro Padibornensi sparsim
hinc inde rariora reperi Specimina, quæ
vel alii ceterà minùs curiosi non semel
mirabantur aequè, atque ego, utut pa-
rùm tinctus illiusmodi rerum notitiâ.

Non dicam, quis interim fuasor mihi
fuerit tum temporis, ut colligerem talia,
ad quam collectionem magna in dies in-
crementa accedebant. Nolebam unus
esse, quem recrearent mea ista Collecta-
nea, neque acquiescere solus poteram il-
lis ipsis; propterea varia familiari-
bus exemplaria submittebam, à quibus
identidem monebar, imò rogabar, ut
porrò pergerem conquirere, et coaservare
plu-

plura utpote quibus nova in dies ante non visa essent accessura fortuito.

Exacto ibidem Triennio, Coloniam Agrippinensium misso amplior patebat campus, addiscendi ea, quæ ad hanc historia naturalis partem pertinerent;

Licebat nempe ibidem sæpius Bos-sardicum magis ornatum, quàm ordinatum, ceterà exquisitioribus Specimini-bus dives Museum, ac quotidie etiam domesticum subire, quod in Collegio olim Societatis Jesu ab venerabili Viro Hieronymo de Wymar, ex Holzem, Provincia ad Rhenum inferiorem illo tempore Praside erectum ante aliquot annos fuit, adminiculante ejusdem Socio Josepho Dacl Eupenfi Cons. Prov.

Quo Loco, et tempore ibidem repo-
fita

qualiacunque cum meis, quæ ad petre-
factorum Classem referuntur, attentius
conferebam, quibus collationibus non
dicam, quantum alio licet destitutus ad-
miniculo proficerem absque Præceptori-
bus, istarum rerum intelligentiâ imbu-
tis.

Coloniâ in patriam Monasterien-
sem jussu Præsidentum Destinatus novum
inveni Campum investigandi.

Inde in Patriam moam Montensem
misso, nec multò post ad Julis - Mon-
tensem Missionem adlecto mihi per
utrumque hunc Ducatum excurrendum
erat: Atque hoc præ cæteris oppor-
tunissimum tempus fuit, varia variis
in locis, aliâque aliis rariora, ac pulch-
riora seligendi, et comportandi, quibus
sive colligendis, sive conquirendis quan-
tum

tum incubuerim, vestes, manusque
pulvere non indecaro sordida non unis
sanè vicibus prodidère, quibus curis,
ac Laboribus id ferè temporis dedica-
bam, quo honesto aliàs cum aliis in otio
domi quiescere post gravissimos Missio-
nis labores licuisset.

Tanta denique ad Analecta mea fie-
bant accessiones, ut de Conditorio jam
deliberarem, in quo reponerem suo loco
singula pro rerum varietate, ne indigestam
duntaxat farraginem, aut confusum
Chaos viderer commiscere, aut ansam da-
rem Eruditis, exprobrandi mihi, ac si non
nisi Lapidum inutile pondus sine lege,
sine ordine congererem.

Ordinatis itaque utcunque iis, quæ col-
legeram, Amicorum Consilio, et Suasu
de formando eorundem Catalogo labora-
bam.

Diffi-

Difficile equidem primo obtutu id mihi videbatur; verum sumptis animis infra paucorum dierum spatium paravi ipsum hunc, quem sequentes paginae exhibent, Catalogum. Successu tam felici id operis paravi adjutus voluminibus Clar. Virorum, qui fusissimè nostro saeculo de hac materia disseruerunt, quae à dilectissimo fratre meo Herman. Jos. Frid. Beuth, S. E. P. Consil. Camer. Lithophilis pluribus apprimè noto, mutuavi, quorum plerumque verbis sum usus, quò accuratius, breviusque describerem singula.

Nondum hisce paginis admeveram manum, cum ante hebdomades aliquot Excellentissimus Proprinceps noster, S. R. I. Comes de Goldstein Mannhemium profecturus, aditum ad se mihi perquam gratiosè concederet, quo in alloquio mihi sortè incidit, Ipsi huic Musarum Fatori

tori de proposito meo paucis loqui, si-
mùlque consilia exposcere, auderémne
oculis Serenissimi Principis Electoris il-
lorum, quæ Julia, et Montes offerunt,
Petrefactorum aliquando subjicere syn-
opfin. Faventem, imò annuentem ut
habui Illustrissimum Virum, Cala-
mum illico admovi ad has pagellas con-
scribitlandas.

Divisi Collectos Lapidés, in aliquot
Series, quarum synopfin ad Calcem judi-
cis loca adnexui: servavi ferè ordinem
numerorum arithmetiçorum, quibus nota-
vi singulos. Quodsi error aliquis irrepsit,
id benignus Lector velis amicè ignos-
cere; errare quippe cujusvis hominis est.

Sanè pergratum mihi accidet, si errati
ab Eruditis monear, ne pergam deinceps
hallucinari. Vale.

è Museo meo Düsseldorfii Mense Februar. Die 28.
Anno 1775.

FRANCISCUS BEUTH,
Missionarius Julio-Monensis.